

廣弘明集

才十六

四百七十七  
亦六

51376



元祿九年丙子二月日重脩

皇國聖國 帝階銀呂

佛日增輝 懺輪常轉

山城州天安寺法金剛院置



之

之

廣弘明集卷第十六

亦

大唐西明寺釋道宣撰

佛德篇第三之二

謝述佛法事書啓十四首



梁簡文寺刹像等銘十首梁沈約等

奉阿育王寺錢啓

梁簡文

臣諱言臣聞八國同祈事高於法本七區皆

蘊理備於涌泉故牙牀白繖無因不覩金瓶

寶函有緣斯出伏惟陛下懸天鏡於域中運

大權於宇內三有均夢則臨之以慧日百藥

同枯則潤之以慈雨動寂非已行任因物無

能名矣臣何得而稱焉故以照光赤書則前

廣弘明集卷第十六



史之爲瑞珥芝景玉嗤往代之爲珍難遇者  
乃如來真形舍利照景蜜瓶浮光德水如觀  
鈎瑣似見龍珠自非聖德威神無以值斯希  
有天人頂戴遐邇歸心伏聞阿育王寺方須  
莊嚴施臣萬金檀豐十藏寶陳河府泉出水  
衡比丘持土大厦方構羅漢引繩高塔將表  
不勝喜抃謹上錢一百萬雖誠等散華心荷  
不盡而微均滴瀝陋甚隣空輕以塵聞伏啓  
悚汗謹啓

謝勅苦行像并佛跡等啓

臣諱啓舍人顧康奉宣勅旨以金銅苦行  
佛并佛跡供養具等賚使供養伏以六年道

樹超出四魔千輻足輪德圓萬善故能聞見  
悟解逢遇祛塵天聽恩隆曲垂犂被謹修飾  
摺字齋潔身心翹仰慈光伏待昭降千唱四  
辯尚不宣心輕毫弱簡豈能陳謝不任下情

謹啓事謝聞謹啓

謝勅參迎佛啓

臣諱啓主書周昂奉宣

勅旨曲賚思來臣

即爾到建元寺奉候法身金山戾止王人勞

問榮恩頻疊啓謝無辭不任下情謹啓事謝

聞謹啓

答勅聽從舍利入殿禮拜啓

臣諱啓舍人王景曜至奉宣

勅旨曲垂建

問并聽臣隨從舍利入殿禮拜謹奉秋色照  
澄預表光瑞臣比身心得無障惱明陪扈寶  
函謹鞠躬恭到但不生羽翼無假神通身升  
淨土高排閻闔足踐蓮華方茲非喻并躡寶  
梯比斯未重誘導殊恩實迴始望顧茲塵縛  
喜戴不勝謹啓

謝勅賚銅供造善覺寺塔露盤啓

臣諱啓主書陳僧聰奉宣

勅旨垂賚銅一

萬三千斤供造善覺寺塔露槃是稱袒陽之

珍實亦昆吾之瑤燥濕無變九布見奇寒暑  
得宜六律成用況復神龍負子克斯妙塔金  
鳥銜帶飾茲高表函谷耻其詠歌臨淄慙其



祥應陽燧含景還譬日輪甘露入盤足稱天  
酒辭林本闕心辯又慙徒戴重恩終難陳謝  
不任銘荷之誠謹奉啓聞謹啓

謝勅使入光嚴殿禮拜啓

臣諱啓舍人王景曜奉宣

勅旨曲垂勞問

并使明入光嚴殿禮拜法身謹奉臣粗蒙恩  
造明守開茶到遂以勞屢升淨土風積水厚  
不足爲喻微心悚躍上謝無辭不任下情謹

啓事謝聞謹啓

謝勅使監善覺寺起剎啓

臣諱啓伏見 勅旨使監作舍人王曇明材

官將軍沈微御仗吳景等監看善覺寺起剎

事爰奉聖恩曲降神力命斯執事修茲長表  
寶塔雲構無待喜園水精特進非差龍海大  
龜持況未足爲盛鶩鷺引繩方斯取埒仰瞻  
慈渥喜戴不勝俯循宿願私增淳噎不任銘  
荷謹奉啓謝聞謹啓

謝御幸善覺寺看刹啓

臣諱言即日輿駕幸善覺寺威神所被欽表  
建立旣泰清而特起接庫樓而上征旣等湛  
然長均淨土方爲佛事永利天人頂荷之誠  
臣百恒品不任下情謹奉啓事謝聞謹啓

汝所營建慈悲寶刹諸佛威神不營多功纔  
欲運力即便豎立幽顯欣仰我亦隨喜不得



與汝同共瞻拜此以爲恨耳越勅

謝勅賚錢并白檀香充法會啓

臣諱啓傳 詔奉宣 勅旨以臣明法會垂

賚錢二十萬白檀薰陸燧香各十斤黃紙詔

書先開泉府青雲好氣次集桂宮貨重文龜

芳踰麗草散金廡下止及軍吏積穀充家纔

班親族未若資此良田方開五蓋入茲沃度

長出四流假詞敬祖尚慙難述借辦君卿猶

知非謝不任荷載謹啓事以聞謹啓

謝勅賚栢刹柱并銅萬斤啓

臣諱啓傳詔呂文強奉宣 勅旨賚臣栢刹

柱一口銅一萬斤供起天中天寺九牧貢金

千尋挺樹永曜梵輪方興寶塔夏著神鼎晉  
惡相風使福被域中功提無外臣以庸愚稟  
承勝善樂受遍心恩光動色銘荷之誠無詞  
啓謝不任頂載謹奉啓謝聞謹啓

千佛願文

梁簡文

蓋聞九土區分四民殊俗昏波易染慧業難  
基故法身寂鏡有照斯感滌無明於欲海度  
蒼生於寶舩或輕慈導捨薄笑牽悲曲豔口  
宣斜光頂入自鹿樹表光金河匿曜故像法  
衆生希向有形雖千聖異跡一智同塗弟子  
某甲久沒迷波長流苦沫不生意樹未啓心  
燈而蓋生一念敬造千佛雖復無上無爲極

相難辯非空非有妙智誰觀而紺髮日光蓮  
眸月面庶可長表誠敬永寄心期

爲人造丈八夾紵金薄像疏

梁簡文

比丘某甲敬白竊以慧日潛影慈輪罷應業  
逐惱飄愛隨情織徒愍衣珠抱名珍而弗悟  
眇歎葉金惑空言而啼止自非表茲勝業樹  
彼妙緣何以去此心堂移茲身窟故水精龍  
塔永愴恨於遺髡明鏡石龕獨徘徊於留影  
某甲久發誓願遍爲六道四生造夾紵丈八  
佛像一軀年月已流因緣易棄常恐暫有之  
身忽隨晝水還無之報颯爾電光今便建立  
誠心遂茲本誓使聚月見容金山表跡見形



善發聞名惡捨拔六根之痛惱去五燒之焚  
灼但四寶屢空七財多匱仰雙蓮而獨慨觀  
萬字而無由儻能薄離五家微捐四事結此  
冥慈共成因果則素疊之功非唯昔世散華  
之報方驗來緣語善無吝在言多惡謹言

與僧正教

梁簡文

此州伽藍支提基列雖多設莊嚴盛修供具  
觀其外迹必備華侈在乎意地實有未弘何  
者凡鑄金刻木鏤漆圖瓦蓋所以仰傳應身  
遠注靈覺羨龍瓶之始晨追鵠林之餘慕故  
祭神如在敬神之道既極去聖茲遠懷聖之  
理必深此土諸寺止乎應生之日則整列形

像自斯已後封以篋笥乃至葉服離身尋矣  
去頂或十尊五聖共處一廚或大士如來俱  
藏一櫃信可謂心與事背兒是情非增上意  
多精進心少昔塔裏紅函止傳舍利象頭白  
繖非謂全身失以畫像追陳尚使吏民識敬  
鎔金圖範終令越主懷思匹以龍阿尚能躍  
鞞方之虎兕猶稱出匣況復最大圓慈無上  
善聚聞名去煩見形入道而可慢此雕香蘊  
斯木蜜絨匿玉毫封印金掌旣殊羅閱久入  
四天又異祇洹掩戶三月寶殿空臨瓊階虛  
敞密帷不開非仲舒之曲學紅壁長掩似邠  
卿之避讎且廣厦雲垂崇甍鳥跂若施之玉

座飾以金鈿必不塵靄日姿虧點月面琉璃  
密窻自可輕風難入龍鬚細網足使飛鷲不  
過兼得虔敬之理必崇接足之心弥重可即  
宣勤永使准行

與廣信侯書

梁簡文

網白閣絕音旨每用延結風嚴寒勁願此怡  
和伏承淨名法席親承金口辯珍鹿苑理愜  
鷲山微密秘藏於斯既隆莊嚴道場自茲弥  
闡豈止心燈夜炳亦乃意葉晨飛思理弘明  
本長內教今陪十善之車開八政之路流波  
若之水洗意識之塵以此春翹方爲秋實網  
每憶華林勝集亦叨末位終朝竟夜沐浴妙



言至於席罷日餘退休傍省携手登臨兼展  
談笑仰望九層俯窺百尺金池動月玉樹含  
風當於此時足稱法樂令卷惟之部乘傳一  
隅聞慧雨滂流喜躍充遍徒仰懸河無由承  
稟空無所有不瑩情靈緣癡有愛自嗟難拔  
兼下車已來義言蓋少舊憶已盡新解未滄  
既慙口誦復非心辨永謝寫瓶終慙染氎是  
則慈雲旣擁智海亦深影未波餘希時灑拂  
但睽違轉積興言盈臉願加敬納言不宣心  
謹白

與慧琰法師書

五翳消空韶光表節百華異色結綵成春道

體何如恒清宜也對翫清虛既在風雲之表  
遊心入理差多定慧之樂弟子俗務紛紜勞  
倦持深睠然北嶺欽賢已積會遇之期庶心  
可孱有緣之儔事等飢渴仰望來儀一日三  
歲想思弘利益理當無爽指遣此信無述寸  
襟綱和南

且來雨氣殊有初寒攝衛已久轉得其力雖  
他方法界略息化緣祇洹之裏恒有語對眷  
佇之深無時不積久因倩師頻述方寸不知  
巧笑之僧頗爲津及不耳前昨已來微事義  
聚龍象畢同應供皆集慧炬開心耳露入頂  
聞之善諱持盡歡怡想味之懷轉復無極音

在幼年經聞制旨受道曰淺北面未深雖異  
禪那事同華水今段西下特蓄本心訪理質  
疑屬在明德不謂般若留難現疾未瘳問津  
無地歎恨何已伏承輿駕尋幸伽藍冀於此  
時待一觀止辨論青豆之房遣惑赤華之舍  
追往年之宿眷述即日之寸心此事此期必  
冀非爽指遣承問佇有還書網和南白  
荅湘東王書

暮春美景風雲韶麗蘭葉堪把沂川可浴弟  
召南寡訟時綴甘棠之陰冀矧爲政暫止褰  
旆之務唐景薦大言之賦安太述連環之辨  
盡遊翫之美致足樂耶吾春初卧疾極成委



弊雖西山白鹿懼不能瘡子預赤丸尚憂未  
震高臥六安每思扁鵲之問靜然四屋念絕  
修都之香豈望文殊之來獨思吳容之辯屬  
以皇上慈被率土甘露聿宣鳴銀鼓於寶坊  
轉金輪於香地法雷驚夢慧日暉朝道俗輻  
湊遠迹畢集聽衆白黑日可兩三萬獨以疾  
障致隔聞道豈止揚僕有關外之傷周南起  
留滯之恨第十三日始侍法筵所以居長近  
還未堪執筆敬祖前邁裁欲勝衣每自念此  
愍然失慮江之遠矣寤寐相思每得弟書輕  
痾遣疾尋別有信此無所伸

寺刹佛塔諸銘頌

梁沈約

南齊僕射王奐枳園寺刹下石記一首

佛教東流適未尤著始自洛京盛於江左晉  
故車騎將軍瑯琊王劭玄悟獨曉信解淵微  
於太祖文獻公清廟之北造枳園精舍其始  
則芳枳樹籬故名因事立雖房殿嚴整而瓊  
刹未樹邵玄孫尚書僕射南徐州大中正奐  
深達法相洞了宗極勤誠外著仁隱內弘食  
不過中者一十一載雖翼務朝端而事隣柰  
圍日者作翰湘州樹麾蚤服位與年升秩隨  
歲厚顧惟恩隆主躬寵結皇情任處東方寄  
深外屏徒欲盡能竭慮知無不爲下被民和  
上宣聖澤而自以力弱途遠終慙短効且義

止今生報褰來果非所以酬鴻貺於冥津暢  
丹誠於遐劫自乘傳衡臯辭簪泝渚誓於舊  
寺光樹五層捐割蕃俸十遺其一凡厥所收  
三十有六萬齊之永明六年六月三日蓋木運  
將啓之令辰上帝步天之嘉日乃抗崇表於  
蒼雲植重扃於玄壤仰願宸居納祐福履攸  
歸八神驚室萬祇翼體寶祚隆邈比固須弥  
靈筭遐永齊軌常住諸聖延祥拖天和於少  
極蕃王碩茂播宗英於梁楚群后流克讓之  
風庶民垂可封之德含生愷樂物不夭性嘉  
穀年登餘糧廝畝夷荒田附邊城解析家備  
十善人懷六度魔衆稽顙外道屈膝抽薪止



火折劒摧鋒拯幽酸於無擇陟神化於有頂  
三界五道咸同斯願刊石重壤式昭厥心  
齊竟陵王題佛光文一首

夫理貫空寂雖鎔範不能傳業動因應非形  
相無以感是故日華月彩炤曜天外方區散  
景咫尺塵方太祖皇帝濯襟慧水凝神淨域  
馱世珍陞遷靈寶地竟陵王諱泣明臺之下  
臨慟高山之方遠慕餅王戀情殷樹雙永惟  
可以炳發神功崇高妙業莫若式金寫好資  
巧匠傳儀以皇齊之四年日子敬制釋迦像  
一軀尊麗自天工非世造色符留影妙越檀  
香俾穀林之恩永旌於萬劫用刊徽迹式垂

不朽云介

彌陀佛銘

法身無像常住非形理空反應智滅爲靈窮  
寂震響音大夜開冥眇哉遐壽非歲非齡物愛  
彫彩人榮寶飾事儉欲與情充累息至矣淵  
聖流仁動惻順彼世心成茲願力於惟淨土  
旣麗且壯琪路異色林沼焜煌靡胎靡娠化  
自餘方託生在焉紫蒂青房眷言安養興言  
遐適報路雖長由心咫尺幽誠曷寄刊靈表  
迹髣髴尊儀畫金寫石遺施玉沙乍來乍往  
玲瓏寶樹因風韻響願遊彼國晨翹暮想七  
珍非羨三達斯仰

瑞石像銘 并序

夫靈應微遠無迹可追心路照通有感斯順  
我皇體神御極挹睿臨乾幽顯成表無思不  
服若夫二儀叶德五精翼化下洞淵泉上達  
蒼昊天無息瑞地不降祥十住髣髴於林衡  
應真盱響於清夜素毫月舉騰光於梵室妙  
趾神行布武於椒殿至於事符緗謀旣表禎  
圖無不雲霏霧秀盈簡被策莫黑三距眇千  
齡而再現嵩露淳腴望鳳蓋而沾陞此皆舜  
日未書堯年罕降豈直朱鳥動色玄輅相趣  
而已哉嘉玉遠自北戎梁弱水而委質潤徹  
瓌竒曠世之所不覩白金近發東山剖幽巖



而啓瑞傍被崖瓊鴻靈之所未刊雖復素環  
之絕貺燭銀之瑤寶方斯蔑如也若夫金石  
具剛非游泳之質自非霈德潛衍感極迴靈  
豈變堅沉之體顯輕浮之相維永明七年某  
月爰有祥石眇發天津浮海因潮翻流迴至  
表異浙河獻竒禁圃瓊瑜等潤精金比色帝  
上眷幽關之易啓啓玄應之無方雖析事寂  
寥而因心咫尺愛其貞恒之性嘉其可久之  
姿莫若圖妙像於檀香寫遺影於祇樹乃詔  
名工是鑄是琢靈相瑞華煥同神造至於雕  
削之餘遺刊委斲方圓小大觸水斯沉駐罕  
停蹕親加臨試良由法身是託不溺沉溺之

淵剖析既離方須浮金之水至矣哉禎符若  
斯之妙也敢銘寶貺永福天人其詞曰  
遙哉上覺曠矣神功四禪無像三達皆空表  
靈降世演露開蒙惟聖仁宇寶化潛融道非  
迹應事以感通沉精浮質遠自河葱悠悠亘  
水眇眇因風泛彼遼碣瑞我國東有符皇德  
乃眷宸衷永言勅寫室栢誠梵宮載雕載範寫  
好摘工藉茲妙力祚闡業隆冕旒南西北壽  
華嵩

釋迦文佛像銘

積智成朗積因成業能仁爽感將吼妙法駐  
景上天降生右脇始出四門終超九劫眇求

靈性曠追玄軌道雖有門迹無可朕物我兼  
謝心行同泯一去後心百非寧盡感資理悟  
或以言陳言不自叩出之者身有來必應如  
泥在釣形酬響音答且物且人應我以形而余  
矇瞽守茲大夜焉拔斯苦仰尋靈相法言俶  
吐不有尊儀夢焉誰覩  
千佛頌

道有偕適理無二歸照寂同是形相俱非千  
覺俯應遍叩冥機七尊緬矣感謝先違既過  
已滅未來無像一刹靡停三念齊往不常不  
住非今非曩賢劫雖遼倏焉如響音栖林藉樹  
背室違家前佛後佛迹罔隆窳或遊堅固或



陰龍華能達斯旨可類恒沙牲牲群有均此  
妙極先晚參差各願隨力密跡弘道數終乃  
陟誓觀來運永傳今識

彌勒讚

皇太子造石彌勒太官令作讚

乘教本一法門不二教基累明功由積地眇  
眇長津遙遙遐轡道有常尊神無恒器脫屣  
王家來承寶位慧日晨開香雨霄墜藉感必  
從憑緣斯至曰我聖儲儀天作貳尚想龍柯  
瞻言思媚鑄石圖徽雕金寫秘望極齊工攀  
光等邃超矣福臻融然理備敬勒玄蹤式傳

遐懿

繡像題讚

并序

維齊永明四年歲次丙寅秋八月己未朔二  
日庚申第三皇孫所生陳夫人含微宅理炳  
慧臨空結言寶位騰心淨覺敬因樂林寺主  
比丘尼釋寶願造繡無量壽尊像一軀乃爲  
讚曰

表相異儀傳形匪壹鏤玉圖光雕金寫質亦  
有淑人含芳上律絢發綺情幽摘寶術縟文  
內炳靈姿外溢水耀金沙樹羅瓊實現符淨  
果來膺妙袂毓藻震閨騰華梵室有億斯年  
於萬茲日

光宅寺刹下銘 并序

光宅寺蓋上帝之故居行宮之舊兆揚州丹

陽郡祿陵縣某鄉其里之地自去茲邠毫來  
儀京輔拓宇東第咫尺武城闡聖心留愛闕素  
遷負南郭義等去艷事均徙鎬及尅濟橫流  
膺斯寶運命帝闡以廣闢即太微而爲宇旣  
等漢高流連於豐沛亦同光武眷戀於南陽  
思所以永流聖迹垂之不朽今事興須彌等  
同理與天地無窮莫若光建寶塔式傳于後  
乃以大梁之天監六年歲次星紀月旅黃鐘  
閏十月二十三日戊寅仲冬之節也乃樹刹  
玄壤表峻蒼雲下洞淵泉仰迫星漢方當銷  
巨石於賢劫極未來於忍土若夫朱光所耀  
彤雲所臨非止天眷兼因地德皇帝乃啓扉



閭闔造舟淮浹接神颯而動驂越浮梁而逕  
度芝蓋容與翠華歲蕤萬輦停蹕躬展誠敬  
廣集四部揆景同蔬弘北廣因被之無外同  
由厥路俱至道場乃作銘曰

八維悠闊九服荒茫靈聖厝止咸表厥祥壽  
丘護護電繞樞光周原撫撫五緯入房自茲  
遐曼在處弗亡安知若水寧辨窮桑自天俶  
縱於我惟皇即基昔兆爲世舟航重擔累構  
迴利高驥土爲淨國地即金床因斯太極溥  
被翱翔豈徒三界寧止十方濡足萬古援手  
百王一念斯答萬壽無疆如日之久如天之  
長栖禪精舍銘

此寺征西蔡公所立昔廁番麾預班經創之  
始今重遊踐鑿舊與懷故爲此名以傳芳迹  
在郢州永徽三年歲次某時某月某朔某日  
子巖靈旅逸地遠柄禪蘭房葺蕙嶠荒架烟  
南瞻至野北望淮天遙哉林澤曠矣江田空  
心觀寂慧相淳筌眷惟斯踐愴屬遐年游仁  
廟遠宅賞憑旃頌創神苑陪構靈椽瞻禁拓  
圃望鷲疏山製石調響栖理凝玄曠移羽旆  
眇別松泉委組東國化景西蓮巒隰夷改蓬  
孳粗遷重依漢遠復逐旌懸往辭妙幄今承  
梵筵八翻海鶴九噪巖蟬珮華長掩懋迹空  
傳式藉雲拱敢告祥緣

廣弘明集卷第十六

亦

諱許謂白或作息罕及誤珥芝  
上而志及下嗤

尺之及喜下皮變顧康  
下賚賜也及攔

宇上音戾止帝及零陪扈  
下音戶閣闔昌下

故塔及升躡及下尼輒扭陽  
上女九及正燥濕

及乾蘇臨溜思及側慙也及陽  
下音遂鷲

鷲秋路二音此謂舍利弗也曾與取將  
下音齊

也等涕噎結下反於上征盈下之棧香正則前反廡  
下

上音武蓮眸目下音年夾紵膠漆之器一颯介

上必鏤漆上音匣篋筭上苦帖及前一櫃  
下

擗也及龕躍鞞下音笑劍一席兒上虎字下徐





誤主  
眇  
麵  
音  
報  
騫  
下  
去  
軋  
鴻  
貶  
賜  
音  
況  
乘  
傳

下  
驛  
路  
也  
戀  
反  
衡  
臯  
臯  
上  
戶  
庚  
反  
下  
澤  
音  
高  
正  
作  
辭  
替

下  
冠  
側  
參  
反  
棄  
泝  
渚  
下  
上  
足  
賣  
反  
及  
蕃  
俸  
下  
上  
房  
方  
煩  
反  
及

也  
祿  
日  
一  
重  
肩  
下  
俱  
螢  
愷  
樂  
上  
反  
和  
也  
改  
稽  
顙  
下  
反  
以  
蕪  
朗

也  
至  
地  
刊  
石  
上  
反  
苦  
寒  
炤  
曜  
上  
照  
濯  
衿  
今  
洗  
衣  
音  
濁

其  
凝  
神  
陵  
上  
反  
魚  
餅  
王  
瓶  
音  
焜  
煌  
上  
音  
皇  
反  
琪  
路  
上  
音

沉  
沙  
也  
正  
肝  
響  
上  
許  
乙  
及  
椒  
殿  
消  
上  
反  
子  
緗  
諜  
水  
下  
音

上  
息  
羊  
反  
一  
衰  
也  
禎  
圖  
盈  
上  
反  
知  
雲  
霏  
雨  
下  
音  
落  
音  
非  
暘

下  
音  
牒  
譜  
一  
也  
一  
玄  
拒  
下  
音  
巨  
作  
耜  
音  
似  
耒

露  
上  
石  
老  
淳  
腴  
下  
音  
玄  
拒  
下  
音  
巨  
作  
耜  
音  
似  
耒

恐  
耕  
具  
也  
崖  
壩  
上  
魚  
皆  
反  
下  
重  
也  
語  
偃  
蔑  
如  
結  
上  
莫

也  
無  
游  
泳  
詠  
音  
沛  
德  
正  
上  
普  
霈  
反  
潛  
行  
陵  
下  
音  
閭  
也  
演  
山



瓊瑜上音巨榮及音玉下音名折上音事擊及音鑄及音子全音琢音

斷音卓停音蹕下音必駐音軍音傳音蹕音罕音者音旌音旗音遼音碣音

下音石音竭音遼音遠音也音宸音衷音子音辰音中音一音天音摘音工音知音反音田音

也音舒音冕音旒音二音字音免音流音天音子音之音冠音垂音旒音十音可音

朕及音直音引音泯音米音忍音反音朦音瞶音無音目音也音二音音音攸音吐音上音

由音菱音焉音隱音蔽音愛音偕音適音俱音也音皆音倏音焉音上音忽音叔音隆音

窳下音烏音窳音下音隆音莘音莘音所音中音反音正音作音牲音遐音轡音下音

秘音脫音屣音下音所音綺音反音龍音柯音歌音下音邃音私音遂音反音鏤音玉音

上音陋音淑音人音善音也音熟音絢音發音上音呼音懸音反音縵音文音上音

辱音文音毓音藻音六音余音邠音毫音上音彼音中音反音下音音音拓音宇音上音

託音開音城音闔音下音重音門音也音城音鄂音地音名音豐音徙音鎬音上音斯音綺音反音

安音胡音道音京音長音帝音閣音下音宮音門音者音天音子音廣音闕音下音閤音也音益音下音月音



旅

律下

音

也

形

雲

上

赤

冬

及

啓

扉

門下

音

也

閭

上

音

昌

下

胡

淮

淡

上

音

懷

水

名

也

下

神

必

塔

反

疾

門

名

淮

淡

土

史

及

涯

岸

也

神

必

苗

反

疾

七

合

及

駕

逕

度

上

古

定

及

歲

音

上

威

下

而

誰

反

揆

景

上

求

癸

及

底

止

上

音

旨

也

花

木

美

白

揆

景

於

事

也

底

止

致

也

至

也

護

護

疑

作

菱

草

盛

白

樞

光

上

昌

朱

及

臚

音

武

土

五

緯

下

音

謂

星

一

二

十

八

宿

為

經

地

厚

美

五

緯

下

音

謂

星

一

二

十

八

宿

為

經

風

寒

五

遐

復

下

休

遠

也

舟

航

剛

及

重

擔

擊

音

鹽

與

高

驤

下

息

也

溥

被

上

音

翱

翱

上

吾

音

同

用

高

驤

下

息

也

溥

被

上

音

翱

翱

上

吾

音

下

飛

祥

濡

足

上

而

援

手

上

音

旂

麾

上

下

音

經

創

下

初

狀

郢

州

上

以

永

徽

暉

音

葺

上

入

反

整

修

也

下

嶠

薨

上

渠

要

及

山

峯

高

憑

音

惠

香

草

也

下

嶠

薨

上

渠

要

及

山

峯

高

憑

音

之

然

及

靈

椽

下

直

綠

及

拓

圃

託

補

二

音

曲

下

也

及

靈

椽

下

直

綠

及

拓

圃

託

補

二

音

曲

下

也

及

靈

椽

下

直

綠

及

拓

圃

託

補

二

音

疏山

上音疎也

羽旆

下蒲蓋及旌旗

之類

委組

下音也

祖委棄

縵

上音習

下濕

曰蓬

音下

託葉

粗遷

上才古

及大也

畧

旌懸

音精俗作放

妙幄

下惟帳也


於角反

九噪

下蘇到反

懋績

上莫候



下  
黃口月里...

92

